



Cuira, ils 14 d'avrigl 2026

Communicaziun a las medias

## **Duas candidaturas per il presidi da la Lia Rumantscha**

**La cumissiun da tscherna po communitgar duas candidaturas per l'elecziun substitutiva dal presidi da la Lia Rumantscha (LR). Ils 20 da zercladur 2026 a la radunanza da la Lia Rumantscha han las delegadas ed ils delegads la schelta tranter in presidi ed in co-presidi.**

Per il co-presidi candideschan la co-presidenta actuala da la Lia Rumantscha Urezza Famos e Bernard Maissen. Urezza Famos è dapi l'onn 2022 en uffizi. Ella ha presidià l'organisaziun ensemen cun Gianna Luzio che ha demissionà l'onn passà, suenter ch'ella è vegnida elegida sco nova directura da l'Uffizi federal da communicaziun. Urezza Famos è cussegladra d'interpresas e cultura ed editura. Ses cuncandidat Bernard Maissen è stà directur da l'Uffizi federal da communicaziun fin il mars 2026. Plinavant è el stà schefredactur da Radiotelevision Svizra Rumantscha (RTR) e da l'Agentura da novitads svizra (SDA).

Per il presidi candidescha en pli Chasper Sarott. El ha lavurà sco diplomat ed ambassadur en differents pajais sco il Libanon, la Pologna, il Madagascar e la Republica democratica dal Congo. Dapi l'onn passà è Chasper Sarott vicedirectur e schef dal persunal dal Departament federal dals affars externs (DFAE).

## **Elecziun d'in suprastant**

Ultra dal presidi elegia la radunanza da delegadas e delegads ils 20 da zercladur er in nov suprastant. L'Uniun Rumantscha Grischun Central (URGC) propona Leo Thomann sco ses represchentant e successur da Patric Vincenz en suprastanza da la Lia Rumantscha. Leo Thomann è selvicultur pensiunà, anteriur president da la vischnanca da Surses ed actual president da l'Uniun rumantscha da Surmeir (URS).

**Toni Vinzens, president da la cumissiun da tscherna**

079 129 31 29 / [vinzens.toni@bluewin.ch](mailto:vinzens.toni@bluewin.ch)